

طبعی مک لایکی مکتب کلیاتی

چو جگرہ ایکی تجویز

سوالی و جوابی

محرر

نعیم کریدی

اوجنچی اردوی مایونہ منسوب نظامیہ آتش التبعی الایک
برنجی طاہورینک برنجی بلوکی یوزباشیسی

طابع و ناشری



کتابخانہ اسلام و عسکری ابراہیم حلمی

۴۶ — باب عالی جادہ سی — ۴۶

عمود بک مطبعہ سی

۱۳۲۹

کتبخانه اسلام وعسکری

تجارزاده : ابراهیم حلمی

سیروز مفتیسی زاده فضیلتلو محمود اسعد بك

برادر مرزك تقریض بلاغتیدر

هرهائیکى بر فنك امرتعالیم وتعلمنده کی سهولت وصعوبت او فنك
اصول تدریسی ایله متناسبدر .

برفنك ، برعلمك ، اصول تدریسی ، طرز تعلیمی نه درجه ده
منتظم مرتب ، مكمل اولورسه تحصیلده اونسیتمده قولای اولدینی
بدیهیدر . برچوق قواعد اساسیه کتابلری کورولورکه بونلك تألیف
وتصنیفنده بك چوق امكلكر قیمتدار وقتلر صرف ایدلدیکی وبرچوغی
حقیقه عالم ، فاضل ذوات قلم اقتدار توأملرندن چیقیدینی حالده ترتیب
وتحریر ، تعریف وتصور نقطه نظرندن عائد اولدینی فنك تحصیلی
تسهیل ایده مدیکی جهته استفاده عامه بی تأمین ایده مامش مؤلفنك امید
ایتدیکی رغبتی بوله مامشدر .

اوللری سكرز اون سنه لك جدی بر اشتغال ایله الده ایدیلهمین
برعلمك بوكون او علمك اصول تدریسی سایه سنده برایکی سنه ظرفنده
بلکه دهها آز مدته اوكرنلدیکی كمال شكران ایله كورلمكدهدر .

علوم عربیه برطرفده طورسون فارسی وترکی درسلیمزی آزاجق
نظر دفته آلهلم : بش اون سنه اول طلبه موجوده سنه متمادیا ترکی
وفارسی درسی ویرن برمكتب عالم تألیفاته شرف ویرن کتابلر سایه سنده
بوكون بش سنه ده دكل برنهایت ایکی سنه ظرفنده اسکی بش سنه لك
استفاده دن دهها بیوك دهها واسع برمنفعت تأمین ایتكده طلبه نك سرمایه
علم وعرفانی قات قات تزید ایلکدهدر . بوجهل دن اولق اوزره فن
جلیل قرائت علم تجوید - كه امت اسلامیة ایچون تحصیلی فرض عین

اولان قرآن عظیم الشانك اصول قرائت وتلاوته و مخارجك صورت تلفظه متعلق اولقى اوزره موجود تركجه كتاب ورساله لرك اساساً مقدار كفايه ده اولماقلا برابر تسهيل تحصيل نقطه سنده حصول مقصوده كافى اولدينى غير قابل انكاردر . علم و قلمى جمع ايدرك اخلاق عاليه و خصائل جيله سيله كندىنى جداً سوديرمش اولان احبادن (نعم افندى) طرفندن قلمه آلنان شوكتاب ارباب مطالعه كندى كندىنى آكلاده جنى جهته يالكز طرز تحرير و تصويرى اعتباريله ساثرلرينه جداً فائق فن تجويدك تحصيلنى تسهيله مدار اوله جنى ادعايله محرينك هر درلو تقدير و تحسينه لايق اولدينى سويلكله اكتفا ايدرم .

هيئت محترمه عاليه خصوصيله قرا و حفاظ كرام كنديلرينه عائد اولان برحق تأليفك برضابط طرفندن غصب اولندينى كورورلر متأثر اولورلرسه دها مكملنى وجوده كتيرمك صورتيله مقابله ايدرك استفاده عموميه يى برقاندها تزويد و تأمينه همت بيورمش اولورلر . بن كندى حصه مه عائد اولقى اوزره نام (نعم) ي تقدير ايله ياد ايدر و دفتر حياتمه وجوديله افتخار آثار سائره سنه انتظار ايلرم .

افاده

امت ناجيه محمديه جانب جليل الهيدن انزال واحسان بيوريلان قرآن عظيم الشانك تلاوته موعود اولان اجر و مژباته نائليت صاحب سعادت صلى الله عليه وسلم افندى حضرتلرى طرفندن منقول و متواتر اولدينى اوزره يوم قيامته شفاعته مظهريت آنجق آيات بيناتى ، كلمات قرآنيه يى اصول مخارج صدائى اصلى و آداب سائره به رعايته مشروط اولدينى ؛ بالعكس تجويد ، اصول موضوعيه رعايت اولنقسزين قرائت ايديلان قرآن كريمك شافع و مشفع اولسى موجب ثواب و دافع عقاب بولنسى شوييله طورسون فاعلنك معذب اوله جنى ادله شرعيه ايله مرتبه ثبوت و بدهاته واصل اولدينى حتى بعض الفاظ

فرقانيه نك فن تجويده مخالف اوقونمسی فرائض سبحانيه نك اك اهمی بولنان نمازی افساد ايتديكندن كتب فقهيه ده مصرح اولديغنی سويلك علم تجويدك قدر وماهيتنه ، شرف واهميتنه . لزوم ومعرفتنه فرضيت تعليم وتعلمنه دائر بر فكر صحيح ومكمل حاصل ايلر . بواهيت ، بولزوم اسلاف عظام وعلماي كرام رحمهم الله تعالى حضراتي طرفندن نظر دقت واعتنايه آلنه رق علم تجويد ، علم قرائته دائر بيكارجه كتب ورسائل تأليف وتصنيف ايديله رك كتيخانه اسلامه يادكار براقلمشدر . بوكتب مدونه نك اكرتيسي وبلكه عمومي لسان عرب اوزره قلمه آلتوب تركجه اوله رق يالكنز بوحوالیده مشهور اولان قره باش - كه طرز تحريرينك اسكيليكيله برابر برنجيلكي قزانمش والي يومنا هذا اوشرفي محافظه ايلكده بولنشدر . - ايله بونك بعض يرلری اصلاح اولنقى ودها بر مقدار معلومات نافعہ علاوه ايداك صورتيله صوك زمانلرده يازلمش مختصر برقچ رساله دن عبارتدر .

نعيم



بِسْمِ اللَّهِ الرَّحْمَنِ الرَّحِيمِ

س : لغتجه تجويد نه ديمکدر ؟

ج : برشيء کوزل ياعقي ديمکدر .

س : بو ؛ تجويد کلهسی نه به اسم اولمشدر .

ج : قرآن کریمک کوزل او قونمسه خدمت ایدن

رساله به اسم اولمشدر .

س : تجويد نه بی بیلدیرر ؟

ج : قرآن عظیم الشانی کوزله او قوبه بیلمک

ایچون بیلممسی لازم کلن قاعده لری و کله لری تشکیل

ایدن حرفلرکده صدالربی بیلدیرر .

س : حرفلرک صداسنی آکلاته بیلیرمیسکز ؟

ج : کرکی کبی یازی آکلاتمق غایت کوچدر .

س : « ص » حرفی کلام قدیمک قاچ یرنده « س » کبی

او قونور ؟

ج : اوچ یرنده ، برنجیسی : سورة بقره ده -

جزء : ۲ - : وَاللَّهُ يَقْبِضُ وَيَبْصُطُ ؛ ایکنجیسی ؛
 سورہٴ اعرافہ - جزء : ۸ - : فِي الْخَلْقِ بَصْطَةً ؛
 اوچنچیسی سورہٴ طورہ - جزء : ۲۷ - :
 اَمْ هُمُ الْمُصْطَرُّونَ ؛ آیت کریمہ لردہ کی ، ص ، حرف لری
 ، س ، کی اوقنورلر .

بیلمنمسی لازم بعض قاعدہ لری

برنجی قاعدہ - س : (اَلْ ، اِسْمُ ، اِبْنُ ، اِثْنَانِ ،
 اِثْنَا ، اِمْرُؤُا اِمْرَاةٌ) کلمہ لری نیک باشندہ بولنان
 همزہ لره نہ دیرلر ؟

ج : ، همزہ وصل ، دیرلر .
 س : همزہ وصل نہ دیمکدر .

: بو کلمہ لریک اوست طرفندہ بر کلمہ ویابر حرف

کلمدیکی وقت بو همزہ لری اوقونماز دیمکدر ؟

ج : اَلْقَارِعَةُ ، مَا الْقَارِعَةُ ، اِسْمُهُ ، وَاسْمُهُ اَحْمَدُ ؛

ابنِ مَرْيَمَ ؛ عِيسَى ابْنِ مَرْيَمَ ، اِثْنَانِ ؛ حِينَ الْوَصِيَّةِ اِثْنَانِ ،
اِثْنَتَانِ ؛ مِنْهُ اِثْنَتَا عَشْرَةَ عَيْنًا ، اِمْرُؤُا اِنْ اِمْرُؤُا ، اِمْرَاةٌ
قَالَتْ اِمْرَاةٌ كَبِي

ایکنجی قاعدہ — س : (= اولی = اُلی ، اولو = اُل
اولاء = اُلأء) کلمہ لرینک ایکنجی حرفلری اولان (واو) لر
وعربجہده جمع اشارتی اولان (واو) ایله (الف) حرفلری
اوقنورمی ؟

ج : خیر اوقونماز .
س : نه کبی ؟

ج : وَ اَوَّلِيْ اَلْاَمْرِ مِنْكُمْ ؛ اَوَّلِي الضَّرَرِ ، اَوَّلِي
الْاَبْيَابِ ، وَ اَوَّلُو الْعِلْمِ قَائِمًا ، فَ اَوَّلِيْكَ ، لَا تَقْرَبُوا الصَّلَاةَ
وَعَمَلُوا الصَّالِحَاتِ ، لِيَذُو قُوْلَ الْعَذَابِ آيَتِ كَرِيْمَه لرنده
اولدینی کی .

اوجنچی قاعدہ — س : هر هانکی برکلمنک حرفلری اوج
ویا اوجدن زیاده اولوبده نهایتنده کی حرف الف ایسه او الف
نمیشکله یازیلیر ونصل اوقنور ؟

ج : ی ، شکیلده یازیلور فقط ینه (الف)
کبی اوقنور .

اولی = أولا ؛ اُخری = اُخرا = عقی = عقیبا ؛
 سَلَوی = سَلُوا ، مَوی = مَوْتَا ، قُزْبی = قُرْبَا ؛ یَمَامی =
 یَمَامَا مثاللرندہ اولدینی کی .

دردنجی قاعده — س : یوارلاق (ت) [تاء کردویا تاء
 مدوره دخی دیرلر .] یعنی شو : (ة) ایله نهایتلن کلمه لک
 نهایتندہ طوروله جق اولورسه بو (ة) حرفی نه کی اوقنور ؟

ج : سا کن (ه = ه) کی اوقنور . الصَّلَاةُ ،
 الصَّلَاةُ ، اَلْقَائِمَةُ ، اَلْقَائِمَةُ ، اَلْقُوَّةُ ، اَلْقُوَّةُ کی .

س : طورلیوبده کچیله جک اولورسه نصل اوقنور ؟

ج (ت) کی اوقنور . عین مثاللرده اولدینی کی

س : اوزون (ت) [تاء طویلہ دخی دیرلر .] لرده نصل
 طورولور ؟

ج : (ت) حرفی سا کن یعنی حرکه سز اوقونہ رق
 طورولور . اَلصَّلَاتُ ، اَلْأُخْتُ ، هَارُوتُ مَارُوتُ
 مَعْدُودَاتُ کی [*] .

س : تنوین نه دیمکدر ؟

[*] « اَلصَّلَاةُ » و « اَلصَّلَوَاتُ » کلمه لرینک هر ایکسی بر

اوقوندینی حالده بشقه درلو یازملرینک سببی تجوید خارجندہ بواند یغندن
 ذکرندن صرف نظر ایدلشد .

ج : ایکی اوستون [ـ] ، ایکی اسره [ـ] ،
 وایکی اوترهیه [ـ] اوقونوشده جزملی - حرکه سز -
 نون صداسنی چیقاردقلری ایچون تنوین دنیله شدرد .
 اَبْدَاً = اَبْدَنْ ، اَصْلًا = اَصْلَنْ کبی . [جزملی نون
 دخی تنویندن معدوددر .]

بشنجی قاعده — اَبْدَاً ، مَثَلًا کبی تنوینلی الف ایله نهایتلن
 کله لرده طورولمقدنه تنوین نه یاییلیر و او کله فصل اوقونهرق
 طورلور ؟

ج : تنوین سیلنیر ، یالکیز الف اوقونهرق طورولور .
 عَلِمًا ، حَکِمًا ، عَذَابًا ، اَلِیْمًا ، اَخِیرًا ، کثیرا کبی . [*]
 تعریفات

س : تجویدده (الف ، واو ، ی) حرفلرینه نه دیرلر ؟
 ج : اکر بو حرفلر حرکه سز اولمغله برابر اوست
 طرفلرندکی حرفک حرکه سی ده کندیلرینه اویغون
 . [*] « وَالْبَنَاءُ بِنَاءٌ ، وَانْزَلَ مِنَ السَّمَاءِ مَاءً » ودها بونک کبی
 آیت کریمه لرده همزه تسمیه اولنان شو (ء) اشارت حرکه لی الف
 اولمغله بوراده دخی تنوین خذف اولنوب همزه (آ) کبی اوقونور .

یعنی واو ک اوست طرفی مضموم « اوتره » ، (ی) نك
اوست طرفی مکسور « اسره » ، الف ک ده اوست طرفی
مفتوح « اوستون » اولورسه « حروف مد » دیرلر .
س : بونلرک اوست طرفلرنده کی حرفک حرکه سنک
کندیلرینه اویغون اولسی نه دیمکدر ؟

ج : (واو) ضمه یه (ی) کسره یه ، (الف) ده
فتحه یه دلالت ایلدیکندن بوکا کوره بوندن اول
بیان ایلدیکی وجهله واو ک اوست طرفی مضموم ؛
(ی) نك مکسور ، الف کده مفتوح اولسی دیمکدر .
س : برقاج مثال سویلیکنر ؟

ج : اوتینا ، آخاف ، تویوا ، اوف بعهدکم ،
ماؤمرون کبی .

س : بومثاللردن برینی ایضاح ایدیکنر ؟

ج : « اوتینا » کلمه سنده کی (و) ، (ی) و (ا)
حرفلری ساکن اولوب اوست طرفلرنده کی حرفلرک
حرکه لری کندیلرینه اویغون یعنی باش طرفده کی

الفك حرکه سی مضموم، (ت) نك حرکه سی مکسور
نهایتندہ کی (الف) لُده مفتوح اولغلہ حروف مد
اولورلر .

س : بو اوچ حرفہ نیچون حروف مد دینلمشدر ؟

ج : اوست طرفلرنده کی حرفی برر الف [*]
مقداری چکدیر دکلیچون حروف مد دینلمشدر .

اخطار : اساساً مد ایدیلن ینہ حرف مد اولوب ماقبلندہ کی حرف
دکدر ؛ « اوست طرفلرنده کی حرفی ... » سوزی ایسه آکلاتق
ایچوندر .

س : مد نہ دیمکدر ؟

ج : چکمک ، اوزاتق دیمکدر .

س : يَا مَنْ ، يُؤْمِنُونَ يُبَدِّئُ کی کلہ لده اوزرلرنده
همزه [ء] اشارتی بولنان حرفلده حروف مد میدرلر ؟

ج : خیر ، بونلر حروف مد دکلدرلر . بونلر
ایچون آیریجه قاعده واردر ؛ فقط تجویدہ عائد
اولمدیغندن ذکر ایدلماشدر .

[*] برالف مقداری دیمک ؛ بر برینه بتیشک اولان درت پارمقدن
برخی نہ پک چابوق ونه ده پک یواش اوله رق قالدیریلنجه به قدر دیمکدر .

س : همزه ایله سا کنه تجویدجه نه دیرلر ؟

ج : سبب مد دیرلر .

س : همزه ایله سا کن نه دیمکدر ؟

ج : همزه حرکه لی الف ، سا کن ده حرکه سز
حرف دیمکدر .

س : سکون قاج درلودر ؟

ج : ایکی درلودر : بری سکون لازم ؛ دیکری
سکون عارض ، در .

س : سکون لازم نه دیمکدر ؟

ج : هر حالده حرکه سز او قونان حرف دیمکدر .

س : هر حالده حرکه سز او قونان حرفلر هانگیلریدر ؟

ج : تشدید لی اولان حرفلرک برنجیسنک سکونی

ایله اصل سا کن اولان حرفلر در .

س : برر مثال کوستره بیلیرمیسکر .

ج : [وَلَا الضَّالِّينَ = وَلَا الضَّالِّينَ] ده (ض)

ایله (ل) حرفلرینک و [الم = اَلِفْ لَامْ مِيم] ده کی

(م) حرفلرینک سکونی کی .

س : وَ قَف نہ دیمکدر ؟

ج : طو ر مق یعنی کلمه لری اولامیوب بری برندن
آییر مق دیمکدر .

س : وَ ضَل نہ دیمکدر ؟

ج : کچمک اولاشدیر مق یعنی او قور کن آرا ده
طو ر میوب کلمه لری بر برینه اولامق دیمکدر .

س : سکون عارض نه در ؟

ج : اساساً کلمه نک آخری حرکه لی اولدینی
حالده وقف حائنده حاصل اولان سکوندر .

س : بر مثال سویلیکنز ؟

ج : اعوذ بالله من الشیطان الرجیم ده (م) حرفی
حرکه لی ایکن ساکن او قونمسی کبی .

س : « (واو) ایله (ی) حرفلری ساکن اوست حرفک
حرکه سی کندیلرینه اویغون اولورسه حرف مد اولور « دیه
تعریف اولندی . ینه بو (واو) ایله (ی) حرفلری ساکن
وفقط اوست طرفلری مفتوح اولورسه نه دینور ؟

ج : حروف لین دینور .

س : حروف لینه دائر بر مثال سویلیکنز ؟

ج : صَیْف ، خَوْف کبی .

س : حروف مد ایله حروف لین تعریفلری برلشدیرمک
بر تعریف سویلیه بیلیرمیسکنز ؟

ج : اوت ، سویلیه بیلیرم : حروف مداوقونماز
اوست طرفلرنده کی حرفی حرکه لرینه کوره ممدوداً
اوقوتدیرر ، حروف لین ایسه کندیلری ساکن
و اوست طرفلری اوستون اوقنور .

س : علم تجویدده قاچ درلو مد واردر ؟

ج : آلتی درلو مد واردر : مدطبیعی ، مدمتصل
مد منفصل ، مد لازم ، مد عارض ، مد لین .

۱ — مد طبعی

س : نه وقت مد طبعی اولور ؟

ج : برکله ده حروف مد بولنوب سبب مد
بولنمازسه مد طبعی اولور .

س : مثال سویلیکنز ؟

ج : طه ، توبوا ، مُحِط کبی .

س : بو مثاللردن نمونه اولق اوزره بری ایضاح
ایدرمیسکنز ؟

ج : ایدرم : مثلاً (طه) کلمه شریفه نك او قونیشنه
نظراً (ط) و (ه) حرفلرندن صکره برر الف علاوه
ایدیلیر ؛ طاها کبی . الفلر ایسه حرف مد اولوب
فتحیه دلالت اتمکده بواندقلرندن و بونلردن صکره
دخی سبب مد یعنی حرکه لی الف و یا خود حرکه سر
حرف کلمدیکندن (طه) مد طبیعی اولوب (ط) و
(ه) حرفلری مد ایدیلیر .

[دیگر مثاللرده بوکا قیاساً ایضاح ایدیلیر .]

س : مد طبیعیلر قاجر الف مقداری مد ایدیلیر ؟

ج : برو الف مقداری مد ایدیلیر .

۲ — مد متصل

س : مد متصل نه وقت اولور ؟

ج : بر کلمه ده حرف مدلردن بری بولنسه و بوندن
صکره ده سبب مددن همزه کسه مد متصل اولور .

س : نیچون مد متصل دنیلمشدر ؟

ج : حرف مد ایله سبب مد همزه بر کلمه ده بولندیغیچون مد متصل دنیلمشدر .

س : مد متصله دائر برقاج مثال کوستریکنز ؟

ج : إِذَاجَاءَ ، أَوْلَئِكَ ، جِئِیْ ، سُوءَ کَیْ . [*]

س : مد متصلر قاجر الف مد ایدیلیر ؟

ج : یا ایکی یا اوچ ویاخود درت الف مقداری مد ایدیلیر .

س : بر الف مقداری مد ایدلسه جائز دکلّی ؟

ج : خیر جائز دکلمدر .

س : مد متصله دائر سویلدیککنز مثاللردن برینی ایضاح ایدرمیسکنز ؟

ج : ایضاح ایدرم : مثلاً (إِذَاجَاءَ) ده (جَاءَ)

کلمه سنک (ج) حرفندن صکره الف مدی بوندن

صکره ده سبب مد همزه کلدیکنندن وهر ایکسی

بر کلمه ده واقع اولدیغندن بو کلمه شریفه اوقوندینی

[*] شو [] اشارت مد طبعیدن ماعدا مدلرده وضع اولوب

زمان (جَا) یی ایکی ویا اوچ ویا خود درت الف
مقداری چکمک واجبدر . (دیگر مثاللرده بوکا
کوره ایضاح ایدیلیر .

۳ — مد منفصل

س : مد منفصل نه وقت اولور ؟

ج : حرف مددن صکره سبب مددن همزه
کله فقط هر ایکیسی آیری آیری کله لرده بولنسه
اوقت مد منفصل اولور .

س : نیچون مد منفصل دنیا مشدر ؟

ج : حرف مد ایله سبب مد همزه بشقه بشقه
کله لرده بولندیغیچون .

س : مد منفصله دائر برقاج مثال کوستریکز .

ح : يَا أَيُّهَا الَّذِينَ ، يَا أَدُم ، إِنِّي أَخَافُ ، تَوْبَا
إِلَى اللَّهِ ، إِنَّا آغْطِيْنَا كَبِي .

س : مد منفصلر قاجر الف مقداری مد ایدیلیر ؟

ج : بر ویا ایکی ویا اوچ ویا خود درت الف
مقداری مد ایدیلیر. بونک ایچون بونلره (مد جائز)
اسمی ویرلمشدر. فقط افضل اولان درت الف
مقداری چکمکدر.

س : مد منفصله دائر سویلدیککز مثالردن برنی نمونه
اولق اوزره ایضاح ایدرمیسکز ؟

ج : ایضاح ایدرم : مثلاً [يَا أَيُّهَا الَّذِينَ آمَنُوا]
آیت کریمه سنده (یا) ادات ندادن صکره (ایْها) نک
همزدسی، کلدی. حالبوکه (یا) ده کی الف حرف مد
(ایْها) ده کی برنجی الف همزه اولدیغندن و حرف
مد ایله سبب مد همزه آیری بولوندا قلرندن (یا)
اداتی مد منفصل اولور. [دیکر مثاللرده بوکا کوره
ایضاح ایدیلیر.]

س : اَنْ مَالَهُ اَخْلَدَهُ ، عِنْدَهُ الْاِبَازِنَه ، وَمَا يُكْذِبُ بِهِ اِلَّا ،
مِنْ عِلْمِهِ اِلَّا بِمَا شَاءَ ، وَاَمْرُهُ اِلَى اللّٰهِ وَهَآءُ بُونُكْ کي آیت کریمه لرده
(ماله ، عنده ، به امره) کلمه لرنده کی (ه) لر ضمیر غائب اولور

بونلرده حرف مد بولنیور ایسهده بو ضمیرلردن صکره همزه کلدیکندن بونلر دخی مد منفصلمیدر ؟

ج : اوت بونلر دخی مدمنفصللدر . یالکیز بو ضمیر ایچون برقاعده واردر . اوده شودر : ا کر ضمیرک اوست طرفی مفتوح ویا مضموم اولوبده کندیسندن صکره سبب مددن همزه کلنزه مدطبیعی اولوب ضمیر مضموم اوله رق بر الف مقداری مد ایدیلیر . لَهُ مَا فِی السَّمَوَاتِ ، وَحَاجَّةُ قَوْمُهُ مَالِ کَیْ : ا کر ضمیرک اوست طرفی مکسور ایسه و کندیسنندن صکره ینه سبب مددن همزه کلنزه ینه مدطبیعی اولوب ضمیر مکسور اوله رق بر الف قدر چکیلیر .

« عَلَى قَوْمِهِ تَرَفَعُ دَرَجَاتٍ ... » کبی . واکر ضمیر غائبلرک ماقبلی مفتوح ویا مضموم اولوبده کندیلرندن صکره سبب مددن همزه کلیرسه مد منفصل اولوب ضمیرلر مضموم اوله رق مد ایدیلیر . اَنْ مَالُهُ اَخْلَدَهُ ، وَاَمْرُهُ اِلَى الْخِ کبی اکر مکسور ایسه ضمیرده مکسور